



688





歐陽文忠公文集



三


Centimetres  
**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black







居士集卷第七

歐陽文忠公集七

古詩二十二首

贈沈博士歌

醉翁吟一作

沈夫子胡爲醉翁吟  
醉翁豈能知爾琴  
滁山高絕滁水深空巖  
悲風夜吹林山泉  
作溜白玉懸青岑  
一瀉萬仞源  
莫尋醉翁每來喜  
登臨醉倒石上遺  
其簪雲荒石老歲  
月侵子有三尺徽  
暎一作黃金寫我幽思窮  
崎嶇自言愛此萬仞水  
謂是太古之遺音  
泉淙石亂到不平  
指下鳴咽悲人心  
時時弄餘聲  
言語軟滑如春禽  
嗟乎沈夫子爾琴誠工彈  
且止我昔被謫居滁

山名雖

一作雖名

為翁實少年坐中醉客誰最賢杜彬琵琶皮作絃自從彬死世莫傳玉練鎖

疑當聲入黃泉死生聚散日零落耳冷心衰翁索莫

東坡詩云新客從翻王連鎖練

國恩未報慙祿厚世事多虞嗟力薄顏摧鬢改真一

翁心以

一作已

憂醉安知樂沈夫子謂我翁言何苦悲

人生百年間飲酒能幾時攬衣推琴起視夜仰見河

漢西南移

和聖俞李侯家鴨脚子

鴨脚生江南名實未相浮絳囊因入貢銀杏貴中州

致遠有餘力好奇自賢侯因令江上根結實夷門秋

始摘纔三四金奩獻疑疏公卿不及識天子百金酬

歲久子漸多纍纍枝上稠主人名好客贈我此珠投

博望昔所徙蒲萄安石榴想其初來時厥價與此侔

今也徧中國籬根及牆頭物性久雖在人情逐時流

惟當記其始後世知來由是亦史官法豈徒續君謳

京師無鴨脚樹馴馬郡尉李和文自南方移植于其第

送吳生南歸

一作送吳孝宗字子京

自我得曾子於茲二十年今又得吳生既得喜且歎

古士不竝出百年猶比肩區區彼江西其產多材賢

吳生初自疑所擬豈其倫我始見曾子文章初亦然

崑崙傾黃河渺漫盈百川決疏以道一作之漸斂收  
橫瀾東溟知所歸識路到不難吳生始見我袖藏新  
文篇編一作忽從布褐中百寶寫一作我前明珠雜瓊  
貝磊砢或不圓問生久懷此奈何初無聞吳生不自  
隱欲吐羞俛顏少也不自重不為鄉人憐中雖知自  
悔學問苦賤貧自謂久而信力行困彌堅今來決疑  
惑幸冀蒙洗滌我笑謂吳生爾其聽我言世所謂君  
子何異於眾人眾人為不善積微成滅身君子能自  
知改過不逡巡惟於斯二者愚智遂以分顏回不貳  
過後世稱其仁孔子過而更日月披浮雲子路初來

時雞冠佩猴豚斬蛟射白額後卒為名臣子既悔其  
往人誰禦其新醜夫祀上帝孟子豈不云臨行贈此  
言庶可以書紳

樂哉襄陽人送劉太尉從廣一作赴襄陽本

無下三字  
景元蓋字

嗟爾樂哉襄陽人萬屋連薨清漢瀕語言輕清微帶  
秦南通交廣西岷岷羅穀織麗藥物珍枇杷柑橘薦  
清鐘磊落金盤爛璘璘槎頭縮項昔所聞黃橙擣一作  
新橙擣齋香復辛春雷動地竹走根錦苞玉筍味爭新  
鳳林花發南山春掩映谷口藏山門樓臺金碧瓦鱗

鱗峴首高亭倚浮雲漢水如天瀉  
汙汙斜陽返照白鳥羣兩岸桑柘雜  
耕耘文王遺化已寂寞千載誰復  
思其仁荊州漢魏以來重古今相  
望多名臣嗟爾樂哉襄陽人道扶  
白髮抱幼孫遠迎劉侯朱兩一作朱輪  
劉侯年少氣甚淳詩書學問若寒  
士罇俎談笑多嘉賓往時邢洛一作臺  
有善政至今遺愛留其民誰能持  
我詩以往為我先賀襄陽人

奉酬楊州劉舍人見寄之作

原父見寄一作劉原父見寄

別君今幾時歲月如插羽悠悠寢與食忽忽朝復暮  
紛紛竟何為凜凜還自懼朝廷無獻納倉廩徒耗蠹

風霜苦見侵衰病日增故江湖豈不思懇悃布已屢  
美哉廣陵公風政傳道路優游侍從臣左右天子顧  
君來一何遲我請亦有素何當兩還分尚冀一相遇  
把手或未能尺書幸時寓

西齋手植菊花過節始開偶書奉呈聖俞

秋風吹浮雲寒雨灑清曉鮮鮮牆下菊顏色一何好  
好色豈能常得時仍不卑文章損精神何用覲天巧  
四時悲代謝萬物惜凋槁豈知寒鑑中兩鬢甚秋草  
東城彼詩翁學問同少年一作小風塵世事多日月良  
會少我有一罇酒念君思共倒上浮黃金藥送以清

歌裊為君發朱顏可以却君老

於劉功曹家見楊直講衰女奴彈琵琶戲作

呈聖俞

大絃聲遲小絃促十歲嬌兒彈啄木啄木不啄新生  
枝惟啄槎牙一作槎枯樹腹花繁蔽日鎖空園樹老參  
天杳深谷不見啄木鳥但聞啄木聲春風和暖百鳥  
語山路曉確行人行啄木飛從何處來花間葉底時  
丁丁林空山靜啄愈響行人舉頭飛鳥驚嬌兒身小  
指撥硬功曹廳冷絃索鳴繁聲急節傾四坐為爾飲  
盡黃金觥揚君好雅心不俗太學官卑飯脫粟嬌兒

兩幅青布裙三脚木牀坐調曲奇書古畫不論價盛  
以錦囊裝玉軸披圖掩卷有時倦卧聽琵琶仰看屋  
客來呼兒旋梳洗滿額花鈿貼黃菊雖然可愛眉目  
秀無奈長飢頭頸縮宛陵詩翁勿謂渠人生自足乃  
為娛此兒此曲翁家無

長句送陸子履學士通判宿州

一本非作

古人相馬不相皮瘦馬雖瘦骨法奇世無伯樂良可

嗤千金市馬惟市

其一作

肥騏驥伏櫪兩耳垂夜聞秋

風仰秣嘶一朝絡以黃金羈旦刷

一作發

吳越暮燕陸

丈夫可憐憔悴時世俗庸庸皆見遺子履自少聲名

馳落筆文章天下知開懷吐曾不自疑世路迫窄多  
弄機鬚毛零落風霜摧十年江湖千首詩歸來京國  
舊遊非大笑相逢索酒卮酒酣猶能弄蛾眉山川搖  
落百草腓愛君不改青松枝念君明當整驂駢贈以  
瑤華期早歸豈惟朋友相連隨坐使臺閣生光輝

送公期得假歸絳

風吹積雪銷太行水暖河橋楊柳芳少年初仕即京  
國故里幾歸成鬢霜山行馬瘦春泥滑野飯天寒餒  
粥香留連芳一作風物佳節過束帶還來朝未央

送宋次道學士赴

一作知太平州

求敏

古堤老柳藏一作柳楊春煙桃花水下清明前江南太  
守見之笑擊鼓插旗催解船一作打鼓侍中令德  
宜有後學士清才方少年文章秀粹得家法筆畫點  
綴多餘一作逾妍藏書萬卷復強記故事累朝能口傳  
來居侍從乃其職遠置州郡誰謂本然交游一時  
盡英一作豪俊車馬兩岸來聯翩船頭朝轉暮千里有  
酒胡不為一作不留連

謝觀文王尚書惠西京牡丹

正舉

京師輕薄兒意氣多豪俠爭誇朱顏事年少肯慰白  
髮將花插尚書好事與俗殊憐我霜毛苦蕭颯贈以



寄贈洛陽花滿盤鬪麗爭奇紅紫雜兩京相去五百  
里幾日馳來足何捷紫檀金粉香未吐綠萼紅苞露  
猶浥謂我嘗為洛陽客頗向此花曾涉獵憶昔進士  
初登科始事相公沿吏牒河南官屬盡賢俊洛城池  
苑一作蘄相連接我時年纔二十餘每到花開如蛺蝶  
姚黃魏紅帶鞞潑墨齊頭藏綠葉鶴翎添色又其  
次此外雖妍猶婢妾爾來不覺三十年歲月纔如熟  
羊胛無情草亦不改色多難人生自摧拉見花了了  
雖舊識感物依依幾杖睫念昔逢花必沽酒起坐驩  
呼屢傾榼而今得酒復何為愛花繞之空百匝心衰

力懶難勉彊與昔一何殊勇怯感公意厚不知報墨  
筆淋漓口徒聒

送朱職方提舉運鹽

一本云表臣

齊人謹一作鹽筴伯者之事爾計口收其餘登耗以  
生齒民充國亦富粲若有條理惟雖一作非三王法儒  
者猶為恥後世益不然權奪由漢始權量自持操屑  
屑已甚矣穴竈如蜂房熬波銷海水豈知戴白民食  
淡有至死物艱利愈厚令出姦隨起良民陷盜賊峻  
法難禁止問官得幾何月課煩笞箠公私兩皆然巧  
拙可知已英英職方郎文行粹而美連年宿與泗有

政皆可紀忽來從辟書感激赴知己閔然哀遠人吐  
策獻天子治國如治身四民猶四體奈何空其一無  
異欽厥趾工作而商行一作與商賈本末相表裏臣請通  
其流為國掃泥滓金錢歸府藏滋味飽間里利害難  
先言歲月可較比鹽官皆謂然丞相曰可喜適時乃  
為才高論徒譎詭夷吾苟全一作復出未以彼易此隋  
堤樹蔕滌水流瀾瀾子行其勉旃吾黨方傾耳

嘗新茶呈聖俞

建安三千里京師三月嘗新茶人情好先務取勝百  
物貴早相矜誇年窮臘盡春欲動蟄雷未起驅龍一作

龍未起

地夜聞擊鼓滿山谷千人助叫聲喊呀萬木

寒癡睡不醒惟有此樹先萌芽乃知此為最靈物宜

一作疑其獨得天地之英華終朝採摘不盈掬通犀鑄

小圓復空鄙哉穀雨槍與旗多不足貴如刈麻建安

太守急寄我香蒟包裹封題斜泉甘器潔天色好坐

中揀擇客亦嘉佳一作佳新香嫩色如始造不似來遠從

天涯停匙側盞試水路拭目向空看乳花可憐俗夫

把金錠一作擬字去聲擬茶錄多用擬字為古按集猛

火炙背如蝦蟇由來真物有真賞坐逢詩老頻咨嗟

須臾共起索酒飲何異奏雅終淫哇

次韻再作茶歌一本云

吾年向老世味薄所好未衰惟飲茶建谿苦遠雖不  
到自少嘗見閩人誇每嗤江浙凡茗草叢生狼藉惟  
藏地俗今江浙園豈如含膏入香作金餅蜿蜒兩龍  
戲以呀其餘品第亦奇絕愈小愈精皆露芽泛之白  
花如粉乳乍見紫面生光華手持心愛不欲碾有類  
弄印幾成空論功可以療百疾輕身久服勝一作胡  
麻我謂斯言頗過矣其實最能祛睡邪茶官貢餘偶  
分奇地遠物新來意嘉親烹屢酌不知厭自謂此樂  
真一作誠無涯未言久食成手顫已覺疾飢一作病生眼

花客遭水厄疲捧椀口吻無異蝕月蟄僮奴傍視疑  
復笑嗜好乖僻誠堪嗟更蒙酬句恠可駭兒曹助噪  
聲哇哇

樂郊詩為劉原甫作一本注

樂郊何所樂所樂從公遊三日公不出其民蹙然愁  
一聞車馬音從者如雲浮吾聞鄆之人無乃失業不  
云惟安其業然後樂其休樂郊何所有胡不考公詩  
有山在其東有水出逶夷有臺以臨望有沼以游嬉  
俯仰迷上下朱欄映清池草木非一種青紅隨四時  
其餘雖瑣屑處置各有宜樂郊何以名吾為本其意

自古賢哲人所存非一世當時偶然迹來者因不廢  
郭非公久留公去民孰賴此亭公所登此樹公所憩  
俾民百年思豈取一日醉

洗兒歌

為聖俞作一本云前日送酒遂助  
洗兒輒成短歌更資一笑呈聖俞

月暈五色如虹蜺深山猛虎夜生兒虎兒可愛一作

光陸離開眼已有百步威詩翁雖老神骨秀想見嬌

嬰目與眉本星之精為紫氣照山生玉水生犀兒一作

此翁不比他兒翁三十年名天下知材高位下衆所

惜天與此兒聊慰之翁家洗兒衆人喜不一作惜金

錢散間一作里宛陵他日見高門車馬煌煌梅氏子

鳴鳩

崇政殿後  
考試所作

天將陰鳴鳩逐婦鳴中林鳩婦怒啼無好音天雨止

鳩呼婦歸鳴且喜婦不亟歸急還呼不已逐之其去

恨不早呼不肯來固其理吾老病骨知陰晴每愁天

陰聞此聲日長思睡不可得遭爾聒聒何時停衆鳥

笑鳴鳩爾拙固無匹不能娶巧婦以共營家室寄巢

生子四散飛一身有婦長相失夫婦之恩重太山背

恩棄義須臾間心非無情不得已物有至拙誠可憐

君不見人心百態巧且艱臨危利害兩相關朝為親

戚暮仇敵自古常嗟交道難

代鳩婦言

一本注開士有欲弄妻者作

斑然錦翼花簇簇雄雌相隨樂不足抱雛出卵翅羽  
成豈料一朝還及目人言嫁雞逐雞飛安知嫁鳩被  
鳩逐古來有盛必有衰富貴莫忘貧賤時女棄父母  
嫁婦一作曰歸中道捨君何所之天生萬物各有類誰  
謂鳥獸為無知雖無仁義有情愛苟聞此言寧不悲

看花呈

一本有韓

子華內翰

崇政殿後考試作

老雖可憎還可嗟病眼眇昏愁看花不知花開桃與  
李但見紅白何交加春深雨露新洗濯日暖金碧相  
輝華浮香著物收不得含意欲吐情無涯可愛踈簾

靜相對最宜落日初西斜時傾賜壺共斟酌及此蜂  
鳥方諠譁凡花易見不足數禁籞難到堪歸誇老病  
對此不知歌年少何用苦思家

啼鳥

崇政殿後考試舉人卷子作

提葫蘆提葫蘆不用沽美酒宮

一作官

壺日賜新撥醅

老病足以扶衰朽百舌子百舌子莫道泥滑滑宮花  
正好愁雨來暖日方催花亂發苑樹千重綠暗春珍  
禽綠羽自成羣花間祇慣迎黃屋鳥語初驚見外人  
千聲百轉忽飛去一作來枝上自落紅紛紛畫簾陰陰  
隔宮燭禁漏杳杳深千門可憐枕上五更聽不似滁

州山裏聞

和聖俞一本二唐書局後叢莽中得芸香一  
本之作用其韻

有芸黃其華在彼眾草中清香濯曉露秀色搖春風  
幸依華堂陰一顧曾不蒙大雅彼君子偶來從學宮  
文章高一世論議一作伏羣公多識由博學新篇匪  
雕蟲唱酬爛眾作光輝發幽叢在物苟有用得時寧  
久窮可嗟凡草木糞壤自青紅

答劉原父舍人見過後中夜酒定復追昨日  
所覽雜記并簡梅聖俞之作

君子忽我顧一作顧我貧家復何有虛堂來清風佳果薦  
濁酒簡編記遺逸論議相可否欲知所書人其骨多  
已朽前者既已然後來寧得久所以昔人云杯行莫  
停手

居士集卷第七

熙寧五年秋七月男發等編定

紹熙二年三月郡人孫謙益校正

朝佐謂樂郊詩有水出逵夷夷平也傷也與逵字不類按說文逵迤斜去兒集韻委曲自得兒詩作委蛇漢書作逵蛇恐合作逵迤而蜀本建本羅氏本誤作逵夷  
永嘉錢文子謂詩羔羊篇有委蛇字離騷載雲旗之委蛇一本作逵迤一本作委移劉向九歎遵江曲之逵移蓋變委作逵變蛇作迤移二字矣張衡西京賦女娥坐而長歌聲清暢而蛟蛇又以委為蛟孫綽天台山賦既克濟於九折路威夷而脩通潘安仁金谷集詩迴谿縈曲阻峻阪路威夷又盡

變作威夷字皆委曲貌今作逵夷乃參古今之變必有所據其實則平夷也

右逵夷二字初不必辯著此以為輕改字畫之戒

送吳生

我前

一作前

顏回

一作顏子

雞冠

一作冠雞

祀上帝

一作祀事

楊且講女奴

彈琵琶

行人舉頭飛鳥驚

一作飛鳥

秋飛且驚

鳴

盛以錦囊

一作古錦或囊

送公期歸洛還來

一作歸來

謝王尚書壯年事

一作事

復何為

一作復亦

力懶

一作力乏

新茶

三月

二月一作此為

草木一作

向空

向一作

次韻再作

豈如

豈一作

亦奇絕

亦一作

偶分寄

偶一作

疑復

笑

復且一

看花

老病

老翁一作

年少

少年一作

和聖俞芸香

光輝

光一作

耀

答原甫見過

佳果

佳一作

景

草木  
向空  
向一作

豈如  
亦奇絕  
亦一作  
偶分寄  
偶一作

復且一

老翁  
少年  
少年一作

光輝  
光一作  
耀

佳果  
佳一作  
景

居士集卷第八

歐陽文忠公集八

古詩二十一首

有贈余以端谿綠石枕與蘄州竹簟皆佳物也余既喜睡而得此二者不勝其樂奉呈原

父舍人聖俞直講

端谿琢出缺月樣蘄州織成雙水

展方簟赤日正午天無雲黃琉璃光綠玉潤瑩淨冷

滑無埃一作塵憶昨開封暫陳力屢乞殘骸避煩劇

聖君哀憐大臣閔察見衰病非虛飾猶蒙不使如一作罪去持許遷官還舊職選材臨事不堪用見利無



慙惟苟得一從傲舍

一作屋

居城南官不坐曹門

一作開

少客自然唯與睡相宜以懶遭

一作投

閑何愜適從來

羸茆苦疲困況此煩歎正炎赫少壯喘息人莫聽中

年鼻軒尤惡聲癡兒掩耳謂雷作竈婦驚窺疑釜鳴蒼

蠅蟻蠟任緣撲蠹

詩一作

書懶架地縱橫神昏氣濁一

如此言語思慮何由清嘗聞李白好飲酒欲與鏑杓

同生死

一作死

我今好睡又過之身與二物為三爾江

西得請在旦暮收拾歸裝從此始終當卷簾攜枕去

築室買田清潁尾

夜聞風聲有感奉呈原父舍人聖俞直講

夜半羣動息有風生樹端颯然飄我衣起坐為長歎

苦暑君勿歎初涼君勿歡暑在物猶盛涼歸歲將寒

清霜忽以飛零露亦溥溥霜露

一作四時

本無情豈肯私

蕙蘭不獨草本爾君形安得完

一作四時

搗髮變新白鑑容銷

一作無故丹風埃共侵迫心志亦摧殘萬古一飛隼兩

曜雙跳丸擾擾賢與愚流沙逐驚湍其來固如此獨

久知誠難服食為藥悞此言真不刊但當飲美酒何

必被輕紈

### 答梅聖俞大雨見寄

夕雲若頽山夜雨如決渠俄然見青天皎皎升蟾蜍

倏忽陰氣生四面如吹噓狂雷走昏黑驚電照夔魑  
搜尋起龍蟄下擊墓與墟雷聲每軒轟雨勢隨疾徐  
初若浩莫止俄收閒無餘但掛千丈虹紫翠橫空虛  
頃刻百變態晦明誰卷舒豈知下土人水潦沒襟裾  
擾擾泥淖中無異鴨與豬嗟我來京師庇身無弊廬  
閑坊儼古屋卑陋雜里閭鄰注湧溝竇街流溢庭除  
出門愁浩渺閉戶恐為瀦牆壁豁四達幸家無貯儲  
蝦蟇鳴竈下老婦但欬歔九門絕來薪朝爨欲毀車  
壓溺委性命焉能顧圖書乃知生堯時未免憂為魚  
梅子猶念我寄聲憂我居慰我以新篇琅琅比瓊琚

官閑行能薄補益愧空踈歲月行晚矣江湖盍歸歟  
吾居傳郵爾此計豈躊躇

答聖俞白鸚鵡雜言

憶昨滁山之人贈我玉兔子粵明年春玉兔一有死

日陽晝出月夜明世言兔子望月生謂此瑩然而白

者譬夫水之為雪而為冰皆得一陰凝結之純精常

恨處非大荒窮北極寒之曠野養違其性天厥齡豈

知火維地荒絕漲海連天沸天一作炎熱黃冠黑距

人語言有烏玉衣尤皎潔乃知物生天地中萬殊難

以一理通海中洲一作島窮人迹來市廣州繞八國

其間注輦來最稀一作遠此鳥何年隨海舶誰能徧歷

海上峯萬怪千竒安可極兔生明月月在天玉兔不

能久人間况爾來從炎瘴地豈識中州霜雪寒渴雖

有飲飢有啄羈絀終知非爾樂天高海闊路一作終茫

茫嗟爾身微羽毛弱爾能識路知所歸吾欲開籠縱

爾飛俾爾歸詫宛陵詩此老詩名聞四夷

清明前一日韓子華以靖節斜川詩見招遊

李園既歸遂苦風雨三日不能出窮坐一室

家人輩倒殘壺得酒數杯泥深道路無人行

去市又遠索於筐筥一作篋得枯魚乾鰕數種

彊飲疾醉昏然便寐既覺索然因書所見奉

呈聖俞

少年喜追隨老大厭誼譁慙愧二三子邀我行看花

花開豈不好時節亦云嘉因病既不飲衆歡獨成一作

我嗟管絃暫過耳風雨愁還家三日不出門堆厖類

寒鴉妻兒強我飲釘餌果與瓜濁酒傾殘壺枯魚雜

乾鰕小婢立我前赤脚兩髻丫軋軋鳴雙絃正如舫

嘔啞坐令江湖心浩蕩思無涯寵祿不知報鬢毛今

已華有田清潁間尚可事桑麻安得一黃犢幅巾駕

柴車

奉答原甫見過寵示之作

不作流水聲行將二十年吾生少賤足憂患憶昔有  
罪初南遷飛帆洞庭入白浪墮淚三峽聽流泉援琴  
寫得入此曲聊以自慰窮山間中聞水陽亦如此醉  
卧幽谷聽潺湲自從還朝戀榮一作祿不覺鬢髮俱  
凋殘耳衰聽重手漸顫自惜指法將誰傳偶欣日色  
曝書晝試拂塵埃張斷絃嬌兒癡女遶翁膝爭欲彊  
翁聊一彈紫微閣老適我過愛我指下聲泠然戲一作  
語君此是伯牙曲自古常歎知音難君雖不能琴能  
得琴一作意斯為賢自非樂道甘寂寞誰肯顧我相

留連興闌束帶索馬去却鎖塵匣包青氈

會飲聖俞家有作兼呈原父景仁聖從

憶昨九日訪君時正見堦前兩叢菊愛之欲繞行百  
匝庭下不能容我足折花却坐時嗅之已醉還家手  
猶馥今朝我復到君家兩菊堦前猶對束枯莖槁葉  
苦風霜無復滿叢金間綠京師誰家不種花碧砌朱  
欄敞華屋奈何來對兩枯株共坐窮簷何局促詩翁  
文字發天葩豈比青紅凡草木凡草開花數日間天  
葩無根長在目遂令我每飲君家不覺長緝卧牆曲  
坐中年少皆賢豪莫怪我今雙鬢禿須知朱顏不可

恃有酒當歡

一作飲

且相屬

依韻奉酬聖俞二十五兄見贈之作

與君結交遊我最先  
衆人我少既多難  
君家常苦貧  
今爲兩衰翁  
髮白面亦皺  
念君懷中玉不及市上珉  
珉賤易爲價  
玉棄久埋塵  
惟能吐文章  
白虹射星辰  
幸同居京城  
遠不隔重闈  
朝罷二三公  
隨我如魚鱗  
君聞我來喜  
置酒留逡巡  
不待主人請  
自脫頭上巾  
歡情雖漸鮮  
老意益相親  
窮達何足道  
古來茲理均

小飲坐中贈別祖擇之赴陝府無擇

明日君當千里行  
今朝始共一罇酒  
豈惟明日難重

持試思此會何嘗有  
京師九衢十二門  
車馬煌煌事  
奔走花開誰得屢  
相過  
盞到莫辭頻  
舉手驩情落  
寞  
酒量減置我不須論  
老朽奈何公等氣  
方豪雲夢正  
當吞八九擇之名  
聲重當世少也多  
奇晚方偶西州  
政事藹風謠  
右掖文章煥  
星斗待君歸  
日我何爲手  
把鋤犁汝陰叟

奉答聖俞達頭魚之作

吾聞海之大物類無窮極  
蟲蝦淺水間  
羸蜺如山積  
毛魚與鹿角一作一脩  
數千百收藏  
各有時嗜好  
無南北其微一作小  
既若斯其大一作其大  
莫測波濤浩

渺中島嶼生頃刻俄而沒不見始悟一作始出背脊有時隨潮來暴死疑遭謫海人相呼集刀鋸爭剖一作斫

析骨節駭專車鬚芒一作牙侔劔戟腥聞數十里餘臭

久乃息始知百川歸固有含容德潛奇與祕寶萬狀

物一作不一識嗟彼達頭微誰傳到一作偶傳入京國

乾枯少滋味治一作聲洗費炮炙聊茲知異物豈足薦佳

客一旦辱一作得君詩虛名從此得京師人不識此魚

厚以分聖俞詩答

送刁紡推官一本無歸潤州

翹翹名家子自少能慷慨嘗從幕府辟躍馬臨窮塞

是時西邊兵屢戰輒一作無奔潰歸來買良田俛首

學秉耒家為白酒醇門掩青山對優游可以老世利

何足愛奈何從所知又欲向异代主人忽南遷此計

亦一作乃中悔彼在吾往一作乃從彼去吾亦退與人交

若此可以言節槩

夜坐彈琴有感二首呈聖俞

吾愛陶靖節有琴常自隨無絃人莫聽此樂有誰知

君子篤自信衆人喜隨時其中苟有得外物竟何為

寄謝伯牙子何須鍾子期

鍾子忽已死伯牙其已乎絕絃謝世人知音從此無

瓠巴魚自躍此事見於書師曠嘗一鼓羣鶴舞空虛  
吾恐二三說其言皆過歟不然古今人愚智邈已殊  
奈何人有耳不及鳥與魚

二月雪

寧傷桃李花無損杞與菊杞菊吾所嗜惟恐食不足  
花開少年事不入老夫目老夫無遠慮所急在口腹  
風晴日暖雪初銷踏泥自採籬邊綠

歸田四時樂春夏二首

秋冬二首命  
聖俞分作

春風二月三月時農夫在田居者稀新陽晴暖動膏  
脉野水泛濫生光輝鳴鳩聒聒屋上啄布穀翩翩桑

下飛碧山遠映丹杏發青草暖眠黃犢肥田家此樂  
知者誰吾獨知之胡不歸吾已買田清潁上更欲臨  
流作釣磯

南風原頭吹百草草木叢深茅舍小麥穗初齊稚子  
嬌桑葉正肥蠶食飽老翁但喜歲年熟餉婦安知時  
節好野棠梨密啼晚鶯海石榴紅轉山鳥田家此樂  
知者誰我獨知之歸不早乞身當及彊健時顧我蹉  
跎已衰老

明妃曲和王介甫作

胡人以鞍馬爲家射獵爲俗泉甘草美無常處鳥驚

獸駭爭馳逐誰將漢女嫁胡兒風沙無情貌如玉身  
行不遇中國人馬上自作思歸曲推手為琵琶却手瑟  
胡人共聽亦咨嗟玉顏流落死天涯琵琶一曲一作却傳  
來漢家漢宮爭按新聲譜遺恨已深聲更苦纖纖女  
手生洞房學得琵琶不下堂不識黃雲出塞路豈知  
此聲能斷腸

盆池

西江之水何悠悠經歷瀨石險且回餘波拗怒猶一作  
獨涵去澹奔濤擊浪常喧吼有時夜上滕王閣月照  
淨練一作無纖埃楊蘭左里在其北無風浪起傳古

來老蛟深處歇窟穴蛇身微行見者猜呼龍瀝酒未  
及祝五色粲一作爛高崔嵬忽然遠引千丈去百里  
水面中分開收蹤滅跡莫知處但有雨雹隨風雷千  
竒萬變聊一戲一作顧溺死為可哀輕人之命若  
螻蟻不止山嶽將傾頽此外魚鰕何足道馱飲但覺  
腥盤杯壯哉豈不快耳目胡為守此空牆隈陶盆斗  
水仍下漏四岸久雨生莓苔遊魚撥撥不盈寸泥潛  
日炙愁暴鯉魚誠不幸此跼促我能決去反徘徊

再和明妃曲

漢宮有佳一作美天子初未識一朝隨漢使遠嫁單



于國絕色天下無一失難再得雖能殺畫工於事竟  
何益耳目所及尚如此萬里安能制夷狄漢計誠已  
拙女一作美色難自誇明妃去時淚灑向枝上花狂風  
日暮起飄泊落誰家紅顏勝人多薄命莫怨春風當  
自嗟

奉送原甫侍讀出守永興

一作奉送永興安撫劉侍讀

酌君以荊州魚枕之蕉贈君以宣城鼠須之管酒如  
長虹飲滄海筆若駿馬馳平坂愛君尚一作少年少力方  
豪嗟我久衰歡漸鮮文章驚世知一作開名早意氣論  
交相得晚魚枕蕉一舉十分當覆盞鼠須管為物雖

微情不淺新詩醉墨時一揮別後寄我無辭遠

哭聖俞

昔逢詩老伊水頭青衫白馬渡伊流灘聲八節響石  
樓坐中辭氣凌清一作高秋一飲百盞不言休酒酣思  
逸語更適河南丞相稱賢侯後車日載枚與鄒我年  
最少力方優明珠白璧相報投詩成希深擁鼻謳師  
魯卷舌藏戈矛三十年間如轉眸屈指十九歸山丘  
凋零所餘身百憂晚登玉墀侍珠梳詩老蘆鹽太學  
愁乖離會合謂無由此會天幸非人謀頷鬚已白齒  
根浮子年加我貌則不歡猶可彊閱屢偷不覺歲月

成淹留文章落筆動九州金甌過午無饋餽良時易  
失不早收篋擯一作瓦礫遺琳璆薦賢轉石古所尤  
此事有職非吾羞命也難知理莫求名聲赫赫掩諸  
幽翩然素旄歸一舟送子有淚流如溝

居士集卷第八

熙寧五年秋七月男發等編定

紹熙二年三月郡人孫謙益校正

石枕新篔簹哀憐一作臨事一作嘗聞一作好飲一作受飲

夜聞風聲以飛一作共侵迫一作苦

清明前一日奉呈聖俞得酒一作得

贈別祖擇之煌煌一作落寞一作莫

遠頭魚剖析一作析一作載

夜坐彈琴見於書一作書


二月雪寧傷一作損

歸田四時樂晚鶯一作鶯

明妃曲無常處石本漢宮一作漢宮一作漢宮

盆池楊闌左里一作輕人之命石本魚誠石本

生作魚幸此石本作能決去反石本作可



居士集卷第九

歐陽文忠公集九

古詩三十首

寄題劉著作義叟家園效聖俞體

嘉子治新園乃在太行谷  
山高地苦寒當樹所宜木  
羣花媚春陽開落一何速  
凜凜心節竒惟應松與竹  
母栽當暑槿寧種深秋菊  
菊死抱枯枝槿豔隨昏旭  
黃楊雖可愛南土氣常燠  
未知經雪霜果自保其綠  
顏色苟不衰始知根性足  
此外衆草花徒能悅凡目  
千金買姚黃慎勿同流俗

西齋小飲贈別陝州冲卿學士分得黃字為韻

今日胡不樂衆賓會高堂坐中瀛洲客新佩太守章  
豈無芳樽酒笑語共一觴亦有嘉一作佳菊叢新苞弄  
微黃所嗟時易晚節物已淒涼羣鷺方盛集離鴻獨  
高翔山川正搖落行李怯風霜君子樂為政朝廷須  
儁良歸來紫微閣遺愛在甘棠

奉答原甫九月八日見過會飲之作

老大惜時節少年輕別離我歌君當和我酌君勿辭  
豔豔庭下菊與君吟繞之擷其黃金菜泛此白玉卮  
君勿愛此花問君此何時秋風日益高霜露漸離披  
芳歲忽已晚朱顏從此衰念君將捨我車馬去有期

君行一何樂我意獨不怡飛兔不戀羣奔風誰能追  
老驥但伏櫪壯心良可悲

予作歸鴈亭於滑州後十有五年梅公儀來  
守是邦因取余詩刻于石又以長韻見寄因

以答之

一作和滑州公儀  
龍圖歸鴈亭長句

風吹城頭秋草黃仰見鳴鴈初南翔秋草風吹春復  
綠南鴈北飛聲蕭蕭城下臺邊桃李蹊憶初披荒手  
植之雪消冰解草木動因記鴻一作欲鴈將歸時爾  
來十載空遺迹飛鴈年年自南北臺傾餘址草荒涼  
樹老無花春寂歷東州太守詩尤美組織文章爛如

綺長篇大句琢方石一日都城傳百紙我思古人無  
不然慷慨一作感功名垂百年沉碑身後念陵谷把酒  
泣下悲山川一時留賞雖邂逅後世傳之因不朽

寄題洛陽致政張少卿靜居堂

洛人皆種花花發有時闌君家獨種玉種玉產琅玕  
子弟守家法名聲聳朝端歲時歸拜慶閭里亦相歡  
西臺有道氣自少服靈丸春酒養眉壽童顏如渥丹  
清談不倦客妙思喜揮翰壯也已吏隱興餘方掛冠  
臨風想高誼懷祿愧盤桓

鬼車

嘉祐六年秋九月二十有八日天愁無光月不出浮  
雲蔽天衆星沒舉手嚮空如抹漆天昏地黑有一物  
不見其形但聞其聲其初切切淒淒或高或低乍似  
玉女調玉笙衆管參差而不齊旣而咿咿啾啾若軋  
若抽又如百兩江州車回輪轉軸聲啞嘔鳴機夜織  
錦江上羣鴈驚起蘆花洲吾謂此何聲初莫窮端由  
老婢撲燈呼兒曹云此怪鳥無足儔其名爲鬼車夜  
載百鬼凌空遊其聲雖小身甚大翅如車輪排十頭  
凡鳥有一口其鳴已啾啾此鳥十頭有十口口插一  
舌連一作十一喉一口出一聲千聲百響更相酬昔時

周公居東周馱聞此鳥憎若讎夜呼庭氏率其屬彎  
弧俾逐出九州射之三發不能中天遣天狗從空投  
自從狗噬一頸落斷頸至今青血流爾來相距三千  
秋晝藏夜出如鴝鷓每逢陰黑天外過乍見火光驚  
輒墮有時餘血下點污鳥則所遭之家家必破我聞  
此語驚且疑反祝疾飛無我禍我思天地何茫茫百  
物巨細理莫詳吉凶在人不在物一蛇兩頭反爲祥  
却呼老婢炷燈火捲簾開戶清華堂須臾雲散衆星  
出夜靜皎月流清光

感二子

黃河一千年一清岐山鳴鳳不再一作鳴自從蘇梅  
二子死天地寂默收雷聲百蟲坏戶不啓蟄萬木逢  
春不發萌豈無百鳥解言語喧啾終日無人聽二子  
精思極搜抉天地鬼神無遁情及其放筆騁豪俊筆  
下萬物生光榮古人謂此觀天巧命短疑爲天公憎  
昔時李杜爭橫行麒麟鳳凰世所驚二物非能致太  
平須時太平然後生開元天寶物盛極自此中原疲  
戰爭英雄白骨化黃土富貴何止浮雲輕唯有文章  
爛日星氣凌山岳常崢嶸賢愚自古皆共盡突兀空  
留後世名

讀書

吾生本寒儒老尚把書卷眼力雖已疲心意殊未倦  
正經首唐虞偽說起秦漢篇章異句讀解詁及箋傳  
是非自相攻去取在勇斷初如兩軍一作兵交乘勝方  
多一作酣戰當其旗鼓催不覺人馬汗至哉天下樂終  
日在几書一作案念昔始從師力學希仕宦豈敢取聲  
名惟期脫貧賤忘食日已晡燃薪夜侵旦謂言得志  
一作後便可焚筆硯少償辛苦時惟事寢與飯歲月  
不我留一生今過半中間嘗忝竊內外職文翰官榮  
日清近廩給亦豐羨人情慎所習醜毒比安宴漸追

時俗流稍稍學營辦孟盤窮水陸賓客羅俊彥自從  
中年來人事攻百箭非惟職有憂亦自老可歎形骸  
苦衰病心志亦退懦前時可喜事閉眼不欲見惟尋  
舊讀書簡編編一作多朽斷古人重溫故官事幸有閒  
乃知讀書勤其樂固無限少而干祿利老用忘憂患  
又知物貴久至寶見百鍊紛華暫時好俯仰浮雲散  
淡泊味愈長始終殊不變何時乞殘骸萬一免罪譴  
買書載舟歸築室一作賴水岸平生頗論述銓次加  
點竄庶幾垂後世不默死芻豢信哉蠹書魚韓子語  
非訕

鷓鴣詞 効王建作

龍樓鳳闕一作鬱崢嶸深宮不聞更漏聲紅紗蠟燭

愁夜短綠窻鴉鳴催天明一聲兩聲人漸起金井轆

轡聞汲水三聲四聲促嚴粧紅靴玉帶奉君王萬年

枝軟風露濕上下枝間聲轉急南衙促仗三衛列九

門放鑰千官入重城禁籟鎖池臺此鳥飛從何處來

君不見潁河東岸村一作陂闊山禽野鳥常一作朝

啣田家惟聽夏鷄聲謂之夏鷄夜夜壠頭耕曉月

可憐此樂獨吾知眷戀君恩今白髮

初食鷄頭有感 一本無有感字

六月京師暑雨多夜夜南風吹芡菰凝祥池鎖會靈

園僕射荒陂安可擬京師費五岳宮及爭先園客採

新苞剖蚌得珠從海底都城百物貴新鮮厥價難酬

與珠比金盤磊落何所薦滑臺撥酷如玉醴自慙竊

食萬錢厨蒲口飄浮嗟病齒却思年少在江湖野艇

高歌菱苳裏香新味全手自摘玉潔沙磨軟還美一

瓢固不羨五鼎萬事適情為可喜何時遂一作買潁

雙井茶

東田歸去結茅臨野水  
西江水清江石老石上生茶如鳳爪窮臘不寒春氣



早雙井芽生先百草白毛囊以紅碧紗十斤茶養一  
兩芽長安富貴五侯家一啜猶須三日誇寶雲日注  
非不精爭新棄舊世人情豈知君子有常德至寶不  
隨時變易君不見建溪龍鳳團不改舊時香味色

贈李士寧

蜀狂士寧者不邪亦不正混世使人疑詭譎非一行  
平生不把筆對酒時高詠初如不著意語出多奇勁  
傾財解人難去不道名姓六句無上金一作錢買酒醉  
高樓明月空床一作清風眠不醒一身四海即為家獨行  
萬里聊乘興既不採藥賣都市又不點石化黃金進

不干公卿退不隱山林與之游者一本四字但愛其

人而莫不一作見其術安知其心吾聞有道之士游心

太虛逍遙出入一作道道二句止常一作動與道俱故能入

火不熱一作入水不濡嘗聞其語一作吾雖而未見

其人也豈斯人之徒與不然言不純師行不純德一作

表而一本無滑稽玩一作世其東方朔之流乎

明妃小引

漢宮諸女嚴粧罷共送明妃溝水頭溝上水聲來不  
斷花隨水去不回流上馬即知無返日不須出塞始  
堪愁

感事四首

老者覺時速，閑人知日長。日月本無情，人心有閑忙。  
努力取功名，斷碑埋路傍。道遙林下士，丘壠亦相望。  
長生既無藥，濁酒且盈觴。

空山一道士，辛苦學延齡。一旦隨物化，反言仙已成。

開墳見空棺，謂已超青冥。尸一作解如蛇蟬，換骨蛻

其形既云須變化，何不任死生。

仙境不可到，誰知仙有無。或乘九斑虬，或駕五雲車。

朝倚扶桑枝，暮遊崑崙墟。往來幾萬里，誰復遇諸涂。  
富貴不還鄉，安事富貴歟。神仙人不見，魍魎與為徒。

人生不免死，冤鬼入幽都。仙者得長生，又云超太虛。  
等為不在世，與鬼亦何殊。得仙猶若此，何況不得乎。  
寄謝山中人辛勤一何愚。

莫笑學仙人，山中苦岑寂。試看青松鶴，何似朱門客。  
朱門炙手熱，來者無時息。何嘗問寒暑，暇謀寢食。  
彊顏悅憎怨，擇語防仇敵。衆欲苦無厭，有求期必獲。  
敢辭一身勞，豈塞天下責。風波卒然起，禍患藏不測。  
神仙雖杳茫，富貴竟何得。

新春有感寄常夷甫

余生本羈孤，自少已非壯。今而老且病，何用苦惆悵。

誤蒙三聖知貪得過其量恩私未知報心志已凋喪  
軒裳德不稱徒自取譏謗豈若常夫子一瓢安陋巷  
身雖草莽間名在朝廷上惟余服德義久已慕恬曠  
矧亦有吾廬東西正相望不須駕柴車自可策藜杖  
坐驚顏鬢日摧頹及取新春歸去來共載一舟浮野  
水焦陂四面百花開

昇天檜

青牛西出關老聃始著五千言白鹿去昇天爾來忽  
已三千年當時遺迹至今在隱起蒼檜猶依然惟能  
乘變化所以爲神仙驅鸞駕鶴須臾間飄忽不見如

雲煙奈何此鹿起平地更假草木相攀緣乃知神仙  
事茫昧真偽莫究徒自傳雪霜不改終古色風雨有  
聲當夏寒境清物老自可愛何必詭怪窮根源

憶焦陂

一本無憶字  
注汝陰作

焦陂荷花照水光未到十里聞花香焦陂八月新酒  
熟秋水魚肥鱸如玉清河兩岸柳鳴蟬直到焦陂不  
下船笑向漁翁酒家保金龜可解不須錢明日君恩  
許歸去白頭酣詠太平年

贈許道人

洛城三月亂鸞飛潁陽山中花發時往來車馬遊山

客貪看山花踏山石紫雲山洞鎖雲深洞中有人人  
不識飄飄許子旌陽後道骨仙風本仙胄多年洗耳  
避世喧獨卧寒巖聽山溜至人無心不弄心無心自  
得無窮壽忽來顧我何慙慙笑我白髮老紅塵子歸  
為築巖前室待我明年乞得身

送龍茶與許道人

潁陽道士青霞客來似浮雲去無蹟夜朝北斗太清  
虛一作壇不道姓名人不識我有龍團古蒼壁九龍泉  
深一百尺憑君汲井試烹之不是人間香味色

馴鹿

朝渴飲清池暮飽眠深柵慙媿主人恩自非殺身難  
報德主人施恩不待報哀爾胡為網羅獲南山藹藹  
動春陽吾欲縱爾山之傍巖崖雪盡飛泉溜澗谷風  
吹百草香飲泉齧草當遠去山後山前射生戶

留題齊州舜泉

岸有時而為谷海有時而為田虞舜已歿三千年耕  
田浚井雖鄙事至今遺迹存依然歷山之下有寒泉  
向此號泣于是天無情草木亦改色山川慘淡生雲  
煙一朝垂衣正南面臯夔稷契來聯翩功高德大被  
萬世今人過此猶留連齊州太守政之暇鑿渠開沼

疏清連遊車擊轂惟恐後衆卉亂發如爭先豈徒邦  
人知樂此行客亦為留征軒

山齋戲書絕句二首

蜜脾未滿蜂採花麥壠已深鳩喚一作雨正是山齋  
睡足時不覺花間日亭午

經春老病不出門坐見羣芳爛如雪正當年少惜花  
時日日春風吹石裂

朝少年惜花

紛紛紅蘂落泥沙少年何用苦咨嗟春風自是無情  
物肯為汝惜無情花今年花落明年好但見花開人

自老人老不復少花開還更一作新使花如解語應  
笑惜花人

出郊見田家蠶麥已成慨然有感

誰謂田家苦田家樂有時車昌鳴緜白繭麥熟轉  
黃鸝田家此樂幾人知幸獨知之未許歸逢時得寵  
已逾分報國無能徒爾為收取玉堂揮翰手却尋南  
畝把鋤犁

射生戶

予初至州獵戶有獻狼豹者

射生戶前日獻一豹今日獻一狼豹因傷我牛狼因  
食我羊狼豹誠為害人物縣官賞之縑五疋射生戶

持練歸為人除害固可賞貪功趨利爾勿為弦弓毒  
矢無妄發恐爾不識麒麟兒

戲石唐山隱者

石唐山室紫雲深潁陽真人此算心真人已去升寥  
廓歲歲巖花自開落我昔曾為洛陽客偶向巖前坐  
盤石四字丹書萬仞崖神清之洞鎖樓臺雲深路絕  
無人到鸞鶴今應待我來  
居士集卷第九

熙寧五年秋七月男發等編定

紹熙二年三月郡人孫謙益校正

田齊小飲

眾賓一作賢

歸鴈亭

仰見一作看

食雜頭

都城一作都人

成事苦無獸

作苦一作貪

昇天槍

自傳一作相傳

朝少年惜花

紅藥一作紅紫

出郊有感鳴絳

絕一作綠


鵬鳩詞促仗

碑本促作促似重磨再刻案唐書儀

道仗列坐于東西廊號曰立門仗又云內外諸門以排  
州人帶刀捉仗而立號曰立門本及時賢文纂並作捉

鎖池臺

鎖碑作瑣



居士集卷第十

歐陽文忠公集十

律詩六十首

送王汲宰藍田

喧喧動車馬共出古都門  
落日催行客東風吹酒罇  
樹搖秦甸綠花入輞川繁  
若遇西來旅時應問一作望  
故園

徽安門曉望

都門收宿霧佳氣鬱蔥蔥  
曉日寒川上青山白霧一作  
露中樓臺萬瓦合車馬九衢通  
恨乏登高賦徒知京邑雄

送孟都官知蜀州

名郎出粉闈佳郡古關西  
幾驛秦亭盡千山蜀鳥啼  
朱輪照耕野綠芋覆秋畦  
向關應東望雲深隴樹迷  
南征回京至界上驛先呈城中諸友

朝雲來少室日暮向箕山  
本以無心出寧隨倦客還  
春歸伊水綠花晚洛橋閑  
誰有餘樽酒相期一解顏

逸老亭

一本洋彭城公白蓮庄

上相此忘榮怡然物外情  
池光開小幌山翠入重城  
野鳥窺華袞春壺勞耦耕  
枕前雙鴈沒雨外一川晴  
解組金龜重調琴赤鯉驚  
雖懷安石趣豈不為一作念

蒼生

廣愛寺

都人布金地紺宇巋然存  
山氣蒸經閣鍾聲出國門  
老杉春自綠古壁雨先昏  
應有幽人屐來留石蘚痕

弔黃學士三首名鑑

麗正讎書久蘭臺約史成  
迎親就江水厭直出承明  
世德無雙譽詩豪第一評  
風流今頓盡響像憶平生  
沈約多清瘦文園仍病瘡  
共疑天上召更欲水邊招  
金馬人相弔長沙物易妖  
秋風吹越樹歸旄自飄飄  
自古蘭衰早因令蕙歎深書遺茂陵  
藁病作越鄉吟



萬里無春色閩山蔽夕陰空嗟埋玉樹齋志永沉沉

雨後獨行洛北

北闕望南山明嵐雜紫煙歸雲向嵩嶺殘雨過伊川  
樹繞芳隄外橋橫落照前依依半荒苑行處獨聞蟬

陪府中諸官遊城南

一本注西京作

一雨郊圻迴新秋榆棗繁田荒溪溜入禾熟雀聲喧  
燒出空槎腹人耕廢廟垣閑追向城客落日隱高原

智蟾上人遊南岳

終日念雲壑南歸心浩然青山入楚路白水望湖田  
野渡惟浮鉢山家少施錢到時春尚早收茗綠巖前

送左殿丞

一作入蜀

傳聞蜀道難行客若登天紫竹深無路黃花忽見川  
聞禽嗟異域問俗訪耆年欲識京都遠惟應望日邊

秋郊曉行

一作望

寒郊桑柘稀秋色曉依依野燒侵河斷山鴉向日飛  
行歌採樵去荷鍾刈一作田歸林一作村酒家家熟相

邀白竹扉

被牒行縣因書所見呈寮友

周禮恤凶荒軺車出四方土龍朝祀雨田火夜驅蝗  
木落孤村迴原高百草黃亂鷗鳴古堞寒雀聚空倉

桑野人行鱸魚陂鳥下梁晚煙茅店月初日棗林霜  
墜戶催寒候叢祠禱歲穰不妨行覽物山水正蒼茫

緱氏縣作

亭候徹郊畿人家嶺坂西青山臨古縣綠竹繞寒溪  
道上行收穗桑間晚漑畦東臯有深趣便擬卜幽棲

又行次作

秋色滿郊原人行禾黍間雉飛橫斷澗燒響入空山  
野水蒼煙起平林夕鳥還嵩嵐久不見寒碧更孱顏

送梅秀才歸宣城

從學方年少還家罄橐金久為江北客能作洛生吟

罷亞霜前稻鉤輶竹上禽歸帆何處落應拂野梅林

鞏縣陪祭獻懿二后回孝義橋道中作

落日漢陵道初寒慘暮颯遙看山口火暗渡洛川橋  
不見新園樹空聞引葬蕭林鷓棲已定猶一作獨此倦

征鑣

送謝學士歸闕

供帳拂朝煙征鞍去莫攀人醒風外酒馬度雪中關  
舊府誰同在新年獨未還遙應行路者偏識綠衣斑

河南王尉西齋

寒齋日蕭索天外敞簷楹竹雪晴猶覆山窻夜自明

禽歸窺野客雲去入重城欲就陶潛飲應須載酒行

張主簿東齋

官舍掩寒扉聊同隱者棲溪流穿竹過一作山鳥入

城啼實主高談勝心冥外物齊惟應朝枕夢長耿隔

隣一作雞

留守相公禱雨九龍祠應時獲澍呈府中同

寮

古木鬱沉沉祠亭相袞臨雷驅山外響雲結日邊陰

霖霖來初合依微勢稍深土膏潛動脉野氣欲成霖

隴上連雲色田間擊壤音明光應奏瑞黃屋正焦心

帝邑三川美離宮萬瓦森廢溝鳴故苑紅蘼發青林  
南畝猶須勸餘春尚可尋應容後車一作客時作洛  
生吟

春日獨遊上林院後亭見櫻桃花奉寄希深  
聖俞仍酬遞中見寄之什

昔日尋春地今來感歲華人行已荒徑花發半枯槎  
高榭林端出殘陽水外斜聊持一罇酒徒倚憶天涯

獨至香山憶謝學士一作希深

伊水弄春沙山臨水上斜曾為謝公客編一作入梵

王家陰澗初生草春茁自落花却尋題石處歲月已

堪嗟

春晚同應之偶至普明寺小飲作

偶來林下逕共酌竹間亭積雨添方一作芳沼殘花點

綠萍野陰侵席潤芳氣襲人醒禽鳥休驚顧都忘兀

爾形

黃河八韻寄呈聖俞

河水激箭險誰言舩蕭遊堅冰馳馬渡伏浪卷沙流  
樹落新摧岸湍驚忽改洲鑿龍時退鯉漲潦不分牛  
萬里通槎漢千帆下漕舟怨歌令罷築故道失難求  
灘急風逾響川寒霧不收詎能窮禹迹空欲問張侯

和應之同年凡秋日雨中登廣愛寺閣寄梅

聖俞

經年都洛與君交共許詩中思最豪舊社更誰能擁  
臯新秋有客獨登高徑蘭欲謝悲零露籬菊空開乏  
凍醪縱使河陽花滿縣亦應留滯感潘毛

晚過水北

寒川消積雪凍浦漸通流日暮人歸盡沙禽上釣舟

罷官西京回寄河南張主簿

歸客下三川孤郵暫解鞍鳥聲催暮急山氣欲晴寒  
已作愁霖詠猶懷祖帳歡更聞溪溜響疑是石樓灘

寄西京張法曹

幕府三年客羣居幾日親初分闕一作關口路猶見洛

陽人隴麥晴將秀田花晚自春向家行漸近豈復倦

征輪

離彭婆值雨投臨汝驛回寄張九屯田司錄

投館野花邊羸驂晚不前山橋斷行路溪雨漲春田

樹冷無棲鳥村深起暮煙洛陽山已盡休更望伊川

朱家曲

一本有并引字

朱家曲自許縣北門上赤坂岡分道西行入小路三十里有村市臨古河溝賈之販京師者舟車皆會此居民繁雜宛然如江鄉子以事偶至此宿旅邸明日遂起京師

行人傍衰柳路向古河窮桑柘田疇美漁商市井通

薪歌晚入浦舟子夜乘風旅舍孤煙外天京王氣中

山川許國近風俗楚鄉同宿客雞鳴起驅車猶更東

行至堪澗作

霜後葉初鳴羸驂遶湖行川原人遠近禾黍日晴明

病質驚殘歲歸塗賦一作賦暮程空林聚寒雀疑已作

春聲

送謝希深學士北使

漢使入幽燕風煙兩國間山河持節遠亭障出疆關

征馬聞笳躍雕弓向月彎禦寒低便面贈客解刀環

鼓角雲中壘牛羊雪外山穹廬鳴朔吹凍酒發一作  
朱顏塞草生侵磧春榆綠滿關應須鴈北嚮方值使  
南還

送賈推官赴絳州

白雲汾水上人北鴈南飛行李山川遠風霜草木腓  
郡齋賓榻掛幕府羽書稀最有題與客偏思玉麈揮

送張如京知安肅軍

相逢舊從事新命忽臨戎界上山河壯軍中鼓角雄  
翔風馳駿馬塞雪射驚鴻試取封侯印何如筆硯功

送威勝軍張判官

北地不知春惟看榆葉新岑牟多武士玉麈重嘉賓  
野燐一作燒驚行客烽煙入遠一作暮塵繫書沙上鴈時  
寄日邊人

送同年史褒之武功尉

久作遊邊客常悲入塞笳今茲一尉遠猶困折腰嗟  
白馬關中道青天一作煙棧外家過秦應弔古惟有故  
山斜

送祝熙載之東陽主簿

吳江通海浦畫舸候潮歸疊鼓山間響高帆鳥外飛  
孤城秋枕水千室夜鳴機試問還家客遼東今是非

鄭十一先輩赴四明幕

一本注初授洋川辭不行

梁漢裊斜險夫君畏遠遊家臨越山下帆入海潮頭  
岸柳行稍盡江蓴歸漸秋故鄉看衣錦寧羨李膺舟

送丁元珍峽州判官

一作送未處仁

為客久南方西游更異鄉江通蜀國遠山閉楚祠荒  
油幕無軍事清猿斷客腸惟應陪主諾不費日飛觴

送楚建中潁州法曹

冠蓋盛西京當年相府榮曾陪鹿鳴宴偏一作識洛

陽生共歎長沙謫空存許劭評堪嗟桃李樹何日見  
陰成

送王尚恭隰州幕

去國初游宦從軍苦寂寥愁雲帶一作城起畫角向

山飄秋勁方馳馬春寒正襲貂遙知為客恨應賴酒

盃消

送王尚喆三原尉

初仕便西轅驪駒兩佩環山河識天府風雨度函關

桑柘千疇富人煙萬井閑欲為京洛詠應苦簿書間

送餘姚陳寺丞

最

銅墨佩腰間中流望若似一作仙鳴蟬汴河柳畫鷁越

鄉船下瀨逢江鴈瞻氛落海鳶山川仍客思盡入隱

侯篇

送廖八下第歸衡山

曾作關中客嘗窺百二疆自言秦隴一作嶺水能斷楚  
人腸失意倦京國羈愁成鬢霜何如伴征鴈日日向  
衡陽

夏侯彥濟武陟尉

風煙地接懷井邑富田垓河近開水坼山高見雨來  
官閑同小隱酒美足銜盃好去東籬菊迎霜正欲開

遠山

山色無遠近看山終日行峯巒隨處改行客不知名

宋宣獻公挽詞三首

望繫朝廷重文推天下士清名畏楊綰故事問胡公  
物議垂為相風流頌已窮仁言博哉利獻替有遺忠  
識度推明哲風猷藹縉紳何言止中壽遂不秉洪鈞  
翰墨時爭寶詞章晚愈新哀文伯母悲感路傍人  
結髮一作綬逢明主馳聲著兩朝奠楹先有夢升屋豈  
能招贈服三公衮兼榮七葉貂春風笳鼓咽松栢助  
蕭蕭

初出真州泛大江作

孤舟日日去無窮行色蒼茫杳靄中山浦轉帆迷向



背夜江看斗辨西東  
漉田漸下雲間鴈  
霜日初丹水上楓  
蓴菜鱸魚方有味  
遠來猶喜及秋風

江行贈鴈

雲間征鴈水間棲  
矰繳方多羽翼微  
歲晚江湖同是客  
莫辭伴我更南飛

松門

已下五首一本屬夷陵九詠

島嶼松門數里長  
懸崖對起碧峯雙  
可憐勝境

一作景

當窮塞翻使留流一作人戀此邦  
亂石驚灘喧醉枕  
淺

沙明月入船窻  
因遊始覺南來遠  
行盡荆江見蜀江

下牢津

依依下牢口古戍鬱嵯峨  
入峽江漸曲轉灘山更多  
白沙飛白鳥青障一作舍  
青蘿遷客初一作嘗經此  
愁詞作楚歌

龍溪

潺潺出亂峯演漾綠蘿風  
淺瀨寒難涉危槎路不通  
朝雲起潭側飛雨徧江中  
更欲尋源去一作山深不可窮

勞停驛

孤舟轉山曲豁爾見平川  
樹杪帆初落峯頭月正圓  
荒煙幾家聚瘦野一刀田  
行客愁明發驚灘鳥道前

黃溪夜泊

楚人自古登臨恨暫到愁腸已九回萬樹蒼煙三峽  
暗滿川明月一猿哀非鄉况復驚殘歲慰客偏宜把  
酒盃行見江山山河作且吟詠不因遷謫豈能來

望州坡

聞說夷陵人為愁共言遷客不堪遊崎嶇幾日山行  
倦却喜坡頭見峽州

居士集卷第十

熙寧五年秋七月男發等編定

紹熙二年三月郡人孫謙益校正

逸老亭

兩外一作後

中黃學士

越鄉一作山

杖牒行縣呈蔡友

一作諸察友呈

行次作寒碧

一作碧

東齋賓主

一作至

黃河馳馬

一作無馬

和應之登廣慶寺閣

經年

一作終年

江行贈鴈

征鴈一作秋鴈

居士集卷第十一

歐陽文忠公集十一

律詩五十七首

初至夷陵答蘇子美見寄

三峽倚岩堯同

一作南

遷地最遙物華雖可愛鄉思獨

無聊江水流青嶂猿聲在碧霄野篁抽夏笋叢橘長

春條未臘梅先發經霜葉不凋江雲愁一作蔽日山

霧晦連朝斫谷爭收漆梯林鬪摘椒巴賈船賈集一作

巴江船賈至

蠻市酒旗招時節同荆俗民風載楚謠俚歌

成調笑捺


一作捺

鬼聚喧囂

夷陵之俗多淫奔又好祠

設其餘里語謂之捺鬼因此多成關訟

得罪宜投裔包羞分折腰光陰



催晏歲牢落慘驚颯白髮新年出朱顏異域銷縣樓  
朝見虎官舍夜聞鴉寄信無秋鴈思歸望斗杓須知  
千里夢長繞洛川橋

冬後三日陪丁元珍遊東山寺

幕府文書日已稀清罇歲晏喜相携寒山帶郭穿松  
路瘦馬尋春踏雪泥翠蘚蒼崖森古木綠蘿盤石暗  
深溪爲貪賞物來猶早迎臘梅花吐未齊

送前巫山宰吳殿丞

字熙鄰

俊域當年仰下風天涯今日一罇同高文落筆妙天  
下清論揮犀服坐中江上掛帆明月峽雲間謁帝紫

微宮山城寂寞少嘉客喜見瓊枝

一作林

慰病翁

龍興寺小飲呈表臣元珍

平日相從樂會文博棗壺馬占朋分罰籌多似昆陽  
矢酒令嚴於細柳軍蔽日雪雲猶發隼欲晴花氣漸  
氤氳一罇萬事皆毫末螺贏螟蛉豈足云

縣舍不種花惟栽楠木冬青茶竹之類因戲

書七言四韻

結綬當年任兩京自憐年少體猶輕伊川洛浦尋芳  
徧魏紫姚黃照眼明客思病來生白髮山城春至少  
紅英芳叢密葉聊須種猶得蕭蕭聽雨聲

至喜一作虛白堂新開北軒手植楠木兩株走筆

呈元珍表臣

為憐碧砌宜佳樹自斲蒼苔選綠叢不向芳菲赴一作  
赴開落直須霜雪見青葱披條法轉清晨露響葉蕭  
騷半夜風時掃濃陰北窻下一枰閑且伴衰翁

戲答元珍一本下云花時久雨之什

春風疑不到天涯二月山城未見花殘雪壓枝猶有

橘凍雷驚筍欲抽芽夜聞歸鴈生鄉思病入新年一作

鳥聲漸變知芳節人意無聊感物華曾是洛陽花下客野芳雖晚

不須嗟

初晴獨遊東山寺五言六韻

日暖東山去松門數里斜山林隱者趣鍾鼓梵王家  
地僻遲春節風晴變一作別物華雲光漸容與鳥啼已  
交加冰下泉初動煙中茗未芽自憐多病客來探欲  
開花

夷陵歲暮書事呈元珍表臣一本作元珍判官表臣推官

蕭條雞犬亂山中時節崢嶸忽一作歲已窮遊女髻鬟

風俗古野平歌舞歲年豐夷陵俗朴陋惟歲暮祭鬼

婦女競為野服以相遊嬉平時都邑今為陋敵國江

山昔最雄夷陵俗下本有古字荆楚先賢多勝迹不辭携酒

問鄰翁

處士何參居縣舍西  
好學多知荆楚故事

夷陵書事寄謝三舍人

一作代書寄  
舍人三大

春秋楚國西偏境陸羽茶經第一州紫籜青林長蔽  
日綠叢紅橘最宜秋道塗處險人多負邑屋臨江俗  
善泗臘市漁一作鹽朝暫合淫祠簫鼓歲無休風鳴  
燒入空城響雨惡江崩斷岸流月出行歌聞調笑花  
開啼鳥亂鉤輶一本有訟庭畫地通人語邑政觀風  
間俚語土俗雖輕人自樂山川信美  
客備愁黃牛峽口經新歲白玉京中夢舊遊曾是洛  
陽花下客欲誇風物向君羞

戲寄一作贈丁判官

西陵江口折寒梅爭勸行人把一作酒孟須信春風  
無遠近維舟處處有花開

寄梅聖俞

一本注夷陵作

青

一作春

山四顧亂無涯雞犬蕭條數百家楚俗歲時

多雜鬼蠻鄉

一作風

言語不通華繞城江急舟難泊當

縣山高日易斜擊鼓踏歌成夜市邀龜卜雨趁燒一作

春禽叢林白晝飛妖鳥庭砌非時見異花惟有山川

為勝絕寄人堪作畫圖誇

離峽州後回寄元珍表臣

一本作元珍判  
官表臣推官

經年遷謫耿荆蠻惟有江山興未闌醉裏人歸青草

渡夢中船下武牙灘野花零落一作亂風前亂一作舞飛  
雨蕭條江上寒荻笋時魚方有味恨無佳客共盃盤

再至西都一作寄謝希深

伊川不到十年間魚鳥今應恠我一作我自還浪得浮名

銷壯節羞將

一作看

白髮見

一作對

青山野花向客開如

一作異花

一作猶

笑芳草留人意

自閑

却到

一作行至

謝公題壁

處向風清淚獨

一作清淚落

潺湲

過錢文僖公白蓮莊

城南車馬地行客過徘徊野水寒猶入餘花晚自開  
命賔曾授簡開府最多才今日西州路何人更獨來

謝公挽詞三首

始見行春旆俄聞引葬蕭宋言猶在耳冤魄遂難招  
天象奎星暗辭林玉樹凋朔風吹霰雪銘旌共飄飄  
前日賓齋宴今晨奠柩觴死生公自達存沒世徒傷  
舊國難歸葬餘貲不給喪平生公輔志所一作可得在  
文章

樂事與良辰平生愛洛濱泉臺一閉夜蒿里不知春  
翰墨猶新澤圖書已素塵堪憐寢門哭猶有舊時賓

愁牛嶺

邦人盡一作自說畏愁牛一作愁牛不獨牛愁我亦愁終日

下

一作遠

山行百轉却從山脚望山頭

寄子山待制二絕

一本後篇作別鎮陽寄沈待制

留滯西山獨可嗟殘春過盡始還家落花縱有那堪

醉

一作看

何況歸時無落花

聞君屢醉賞紅英落盡殘花酒未醒嗟我落花無分

看莫嫌狼藉掃中庭

寄秦州田元均

由

一作近

來邊將用儒臣坐以威名撫漢軍萬馬不嘶

聽號令諸蕃無事著

一作樂

耕耘夢回夜帳聞羌笛詩

就高樓對隴

一作暮

雲莫忘

一作望

鎮陽遺愛在

一作地北

潭桃李正氛氲

一作春深桃李正細紅

送沈待制陝西都運

幾歲瘡痍近息兵經營方喜得時英從來漢粟勞飛

輓當使秦人自戰耕道左旌旗諸將列馬前弓

劍六蕃迎知君材力多閑暇剩聽陽關醉後聲

樂城遇風劾韓孟聯句體

歲暮氛霾惡冬餘氣候爭吹噓回暖律號令發新正

遠響來猶漸狂奔勢益橫頽城慶戰鼓掠野過陰兵

掃蕩無餘靄顛摧鮮立莖五山搖岌業九鼎沸煎烹

玉石焚岡裂波濤卷海傾遙聽午合市爭呼夜驚營



慘極雲無色陰窮火自生電鞭時若割雷軸助喧轟  
孔竅千聲出陰幽百恠呈狐妖憑莽蒼鬼焰走青熒  
奮怒神增悚中休耳暫清胡兵占月暈江客候鬣鳴  
飄葉千艘失飛空萬瓦輕獵豪漆馬健舶穩想帆征  
畏壓頻移席陰祈屢整纓凍消初醒蟄枯活欲抽萌  
病體愁山館春寒賴酒鐙雞號天地白登壠看晴明

過中渡二首

中渡橋邊十里堤寒蟬

一作梅

落盡柳條衰年年塞下

春風晚誰見輕黃弄色時

得歸還自歎淹留中渡橋邊柳拂頭記得來時橋上

過斷冰殘雪滿河流

自河北賤滁州初入汴河聞鴈

陽城淀裏新來鴈趁伴南飛逐

一作何事  
來隨南

越船野岸

柳黃霜正白五更驚破客愁眠

自勉

引水澆花不厭勤便須已有鎮陽春官居處處如郵  
傳誰得三年作主人

席上送劉都官

都城車馬日喧喧雖有離歌不慘顏豈似客亭臨野  
岸暫留罇酒對青山天街樹綠騰歸騎玉殿霜清綴

曉班莫忘西亭曾醉處月明風溜響潺湲

寄劉都官

別後山光寒更綠秋深酒美色仍清繞亭黃菊同君  
種獨對殘芳醉不成

書王元之畫像側在瑯琊山

偶然來繼前賢迹信矣皆如昔日言諸縣豐登少公  
事一家飽暖荷君思想公風采常如在顧我文章不  
足論名姓已光青史上壁間容貌任塵昏公貶滁州  
謝上表云

諸縣豐登若無公事  
一家飽暖共荷君恩

送京西提刑趙學士

題輿嘗屈佐留京攬轡今行一作來按屬城楚館尚看  
淮月色嵩雲應過虎關迎春寒酒力風中醒日暖梅  
香雪後清野俗經年留惠愛莫辭臨別醉冠傾

寄題宜城縣射亭

作邑三年事事勤宜城風物自君新已能為政留遺  
愛何必栽花遺後人藹若芝蘭芳可襲温如金玉粹  
而純友朋欣慕自如此何況斯民父母親

豐樂亭遊春三首

綠樹交加山一作新鳥啼晴風蕩漾落一作晚晴  
斜日雜花  
飛鳥歌花舞太守醉明日一作月酒醒春已一作色歸

春雲淡淡日輝輝  
草惹行襟絮拂衣  
行到亭西逢太守  
籃輿酩酊插花歸

紅樹青山日欲斜  
長郊草色綠無涯  
遊人不管春將老  
盡一作竹來往一作空亭前踏落花

謝判官幽谷種花

謝判官幽谷種花

淺深紅白宜相間  
先後仍須次第栽  
我欲四時携酒去  
莫教一日不花開

畫眉鳥一作郡齋聞百舌

百轉千聲隨一作意移  
山花紅紫樹高低  
始知鎖向

金籠聽不及  
林間自在啼

懷嵩樓新開南軒與郡僚小飲

繞郭雲煙

一作閣 煙雲

匝幾重昔人曾此感懷嵩  
霜林落

後山爭出野菊開  
時酒正濃解帶西風飄  
畫角倚欄

斜日照青松  
會須乘醉携嘉客  
踏雪來看羣玉峯

送張生

一別相逢十七春  
顏顏衰髮互相詢  
江湖我再為遷

客道路君猶困旅人  
老驥骨竒心尚壯  
青松歲久色逾新

山城寂寞難為禮

一作客

濁酒無辭舉爵頻

田家

綠桑高下映平川  
賽罷田神笑語喧  
林外鳴鳩春雨

歇屋頭初日杏花繁

別滁

花光濃爛柳輕明酌酒花前送我行我亦且一作如  
常日醉莫教絃管作離聲

答謝判官獨遊幽谷見寄

聞道西亭偶獨登悵然懷我未忘情新花自向遊人  
笑啼鳥猶為舊日聲因拂醉題詩句在應怜手種樹  
陰成須知別後無由到莫厭頻勞野客行

招許主客

欲將何物招嘉客惟有新秋一味涼更一作靜掃廣庭

寬一作開百畝少容明月放一作吐清光樓頭破鑑看將

滿甕面浮蛆撥已香仍一作更約多為詩準備共防梅

老敵難當

金鳳花

憶繞朱欄手一作喜自裁綠一作紫叢高下幾番開中庭

雨過無人迹狼籍深紅點綠苔

鷺鷥

風格孤高塵外物性情閑暇水邊身盡日獨行溪淺  
處青苔白石見纖鱗

野鵲

鮮鮮毛羽耀朝輝  
紅粉墻頭綠樹枝  
日暖風輕言語軟  
應將喜報主人知

木芙蓉

種處雪消春始動  
開時霜落鴈初過  
誰栽金菊叢相近  
織出新香蜀錦窠

樵者

雲際依依認舊林  
斷崖荒磴路難尋  
西山望見朝來雨  
南澗歸時渡處深

詠雪

至日陽初復  
豐年瑞遽臻  
飄飆初未積  
散漫忽無垠

萬木青煙滅  
千門白晝新  
往來衝更高  
下著何勻  
望好登長榭  
平堪走畫輪  
馬寒毛縮  
蝟弓勁力添  
釣客醉看成  
眩兒嬌驕一作且  
輦虛堂明  
永夜高閣照  
清晨樹石詩  
翁對川原  
獵騎陳凍狐  
迷舊穴飢一作雀  
噪空困此土  
偏宜稼而予  
濫長人應須  
待和暖載酒  
共行春

送楊先輩登第還家

解榻方欣待  
雋英掛帆千里  
忽南征錦衣  
白日還家樂  
鶴髮高堂獻  
壽榮殘雪楚  
天寒料峭春  
風淮水浪崢嶸  
知君歸意先  
飛鳥莫惜停  
舟酒屢傾一作行

初至潁州西湖一作到潁治事之種瑞蓮黃  
揚一作因與郡官小寄淮南轉運呂度支發

運許主客

平湖十頃碧琉璃四面清陰乍合時柳絮已將春去

遠海棠應恨我來遲啼一作禽似與遊人語明一作好

月閑撐野一作小艇隨每到最佳堪樂處却思君共把

芳卮

三橋詩

皇祐元年新作三橋而既而又為之詩

朱欄明綠水古柳照斜陽何處偏宜望清漣對女郎

青漣閣名後改作去思堂

右宜遠

鳴騶入遠樹飛蓋渡長橋水闊鷺雙起波明魚自跳

右飛蓋

輕舟轉孤嶼幽浦漾平波回看望佳處歸路逐漁歌

右望佳

答通判呂太博

千頃芙蓉蓋水平邵伯荷花揚州太守舊多情畫盆

圍處花光合千嘗採蓮千朵棹紅袖傳來酒令行

命坐客傳花葉盡處飲以為酒令舞蹈落暉留醉客歌遲檀板

換新聲如今寂寞西湖上雨後無人看落英

祈雨曉過湖上

清晨驅馬思悠然渺渺平湖碧玉田曉日未昇先起  
霧綠陰一本作雲初合自生煙身閑始覺時光好春去猶  
餘物色妍更待四郊甘雨足相隨簫鼓樂豐年

居士集卷第十一

熙寧五年秋七月男發等編定

紹熙二年三月郡人孫謙益校正

此卷答蘇子美見寄云祭鬼聚喧囂本注夷陵俗  
好祠祭每遇祠時里民數百共餽其餘里俗謂之  
祭鬼諸本皆同惟蜀本以祭為捺朝佐按類篇捺  
初葛切挑取也推也有推食之義蜀去峽近故能  
知其方言又吉州羅寺壑家京師舊本亦作捺按  
集韻捺桑葛切散之也有散福之義二義皆通今  
改作捺一作捺若作祭字別無意義本注豈應復  
言里俗謂之祭鬼也

答蘇子美 狸歌石本 擦鬼石本  
歌本 文却引 祭注

遊東山寺 冬後石本 幕府幕一作

龍興寺 小飲氛氲  
一作

手植楠木 泫轉石本

獨遊東山寺 交加一作

夷陵書事 向君羞石本

寄子山 待制京本 局先 寄子山 待制四 凡二 絕

送沈待制 方喜一作

入汴河聞鴈 新來一作

送劉都官 都城一作

幽谷種花 淺深紅一作 白深

送楊先輩 高堂一作

答呂太博 詩注 挿以一作

